

全上古三代秦漢三國六朝文

全後漢文卷十三

烏程嚴可均校輯

桓譚二

桓子新論上

謹案隋志儒家桓子新論十七卷後漢六安丞桓譚撰舊新唐志同本傳譚字君山沛國相人成帝時爲郎哀平閒位不過郎莽時爲掌樂大夫更始立召拜太中大夫世祖卽位徵待詔極言讖之非經出爲六安郡丞道病卒譚著書言當世行事號曰新論世祖善焉琴道一篇未成蕭宗使班固續成之章懷注曰新論一曰本造二王霸三求輔四言體五見徵六譴非七啟寤八祛蔽九正經十識通十一離事十二道賦十三辨惑十四述策十五閔友十六琴道本造閔友琴道各一篇餘並有上下注又引東觀記曰光武讀之敕言卷大令皆別爲上下凡二十九

篇琴道未畢，但有發首一章。案二十九篇而十七卷者，上下篇仍合卷爲十六卷，疑復有錄一卷，故十七卷。其書宋時不著錄。羣書治要所載十五事，當是求輔言體見徵譚，非四篇。意林所載三十六事，當是十三篇，惟少本造述策閔友三篇。各書所載又三百許事，合并復重，聯屬斷散，凡百七十二事。依治要意林次第，已類相從，定爲三卷。諸引但琴道有篇名，餘無篇名。今望文分繫，仍加各篇舊名，取便檢閱。君山博學多通，同時劉子駿七略，徵引其琴道篇。揚子雲難窮，立毀所作，蓋天圖。其後班孟堅漢書，據用甚多。王仲任論衡，超奇篇。佚文篇。定賢篇。案書篇對作篇，皆極推崇。至謂子長子雲論說之徒，君山爲用，則其書漢時早有定論。惜久佚失，所得見者僅此。然其尊王賤霸，非圖讖，無仙道，綜覈古今，倂僂失得，已及儀象典章，人文樂律精華，略具，則雖謂此書未嘗佚失可也。嘉慶二十年歲在乙亥二月。

既望

本造第一

秦呂不韋請迎高妙作呂氏春秋漢之淮南王聘天下辯通百著  
篇章書成皆布之都市懸置千金呂延示眾士而莫能有變易者  
乃其事約豔體具而言微也

文選楊德祖答臨淄侯牋注

董仲舒專精于述古年至六十餘不窺園中菜

御覽九百七十六

余爲新

論術古今

術與述通疑當作術古今

亦欲興治也何異春秋褒貶邪今有

疑者所謂蚌異蛤二五爲非十也譚見劉向新序陸賈新語乃爲

新論莊周寓言乃云堯問孔子淮南子云共工爭帝地維絕亦皆

爲妄作故世人多云短書不可用然論天閒莫明于聖人莊周等

雖虛誕故當采其善何云盡棄邪

御覽六百二

王霸第二

夫上古稱三皇五帝而次有三王五霸此天下君之冠首也故言

三皇曰道治而五帝用德化三王由仁義五霸用權智其說之曰

無制令刑罰謂之皇有制令而無刑罰謂之帝賞善誅惡諸侯朝

事謂之王與兵眾約盟誓曰信義矯世謂之霸此下當說皇帝字義缺王者

往也言其惠澤優游天下歸往也此下當說霸字義缺五帝曰上久遠經傳

無事唯王霸二盛之義曰定古今之理焉夫王道之治先除人害

而足其衣食然後教曰禮義使知好惡去就是故大化四溟天下

安樂此王者之術霸功之大者尊君卑臣權統由一政不二門賞

罰必信法令著明百官修理威令必行此霸者之術王者純粹其

德如彼霸道駁雜其功如此俱有天下而君萬民垂統子孫其實

一也意林史記秦本紀正義長短經通變御覽七十七又四百三

湯武則久居諸侯方伯之位德惠加于百姓文選典引注

夫王道之主其德能載包含曰統乾元也初學記九

儒者或曰圖王不成其弊亦可曰霸此言未是也傳曰孔氏門人

五尺童子不言五霸事者惡其違仁義而尚權詐也意林御覽七十七案意

林先引三皇曰道治云云後引圖王不成云云御覽次第五易今依意林

求輔第三

治國者輔佐之本其任用咸得大才大才乃主之股肱羽翮也意林

王公大人則嘉得良師明輔品庶凡民則樂畜仁賢哲士皆國之

柱棟而人之羽翼御覽一百八十七案北堂書鈔二十九引桓階子曰梁棟大臣疑非即此也桓階三國志有

傳不聞成書故附記于此

王者易輔霸者難佐意林任子引桓譚云

昔殷之伊尹周之太公秦之百里奚雖咸有大舊作天依前後條改才然皆

年七十餘乃昇為王霸師御覽四十四

昔秦王御覽八十六作秦始皇見周室之失統喪權于諸侯自當保有九

州見萬民碌碌猶羣羊聚豬皆可曰竿而驅之自目下二十四故字依御覽加

遂自恃不任人封立諸侯及陳勝楚漢咸由布衣非封君有土而

竝共滅秦遂已敗也

迷目敗也四字依劉覽加

高帝既定天下念項王從函谷

入而已由武關到推卻關修強守禦內充實三軍外多發屯戍設

窮治黨與之法重懸告反之賞及王翁之奪取乃不犯關梁隄塞

而坐得其處王翁自見已專國秉政得之即抑重臣收下權使事

無大小深淺皆斷決于己身及其失之人

疑當作又

不從大臣生焉更

始帝見王翁已失百姓心亡天下既西到京師恃民悅喜則自安

樂不聽納諫臣謀士赤睂圍其外而近臣反城遂已破敗由是觀

之夫患害奇邪不一何可勝爲設防量備哉防備之善者則唯量

賢智大材然後先見豫圖過將救之耳

羣書治要

明鏡龜策也章程斛斗也銓衡丈尺也

林意

唯鍼艾方藥者已病之具也非良醫不能已愈人材能德行者治

國之器也非明君不能已立功醫無鍼藥可作爲求買已行術伎

不須必自有也君無材德可選任明輔不待必躬能也由是察焉

則材能德行國之鍼藥也其得立功效乃在君輔傳曰得十良馬不如得一伯樂得十利劍不如得一歐冶多得善物不如少得能知物知物者之致善珍珍益廣非特止于十也

治要

朝九州之後

北堂書鈔十一

昔堯試舜于大麓麓者乃領錄天下之事如今之尚書官矣宜得

大賢智乃可使處議持平焉

續漢百官志注北堂書鈔五十九藝文類聚四十八御覽二百十二

昔周公光崇周道澤被四表

文選后關銘注

治獄如水

北堂書鈔四十四

夫聖人乃千載一出賢人君子所想思而不可得見者也

文選劉越石勸

進表注三國名臣贊注博奕論注用魏武帝文注

切直忠正則汲黯之敢諫爭也

文選天監三年策秀才文注

前世俊士立功垂名圖畫于殿閣宮省此乃國之大寶亦無價矣

雖積和璧累夏璜囊隋侯篋夜光未足喻也伊呂良平何世無之



但知人君不知羣臣勿用也

林意

捕猛獸者不使美人舉手釣巨魚者不使稚子輕預非不親也力不堪也奈何萬乘之主而不擇人哉

長短繩是非引桓子

傳記言魏牟北見趙王王方使冠工制冠于前問治國于牟對曰大王誠能重國若此二尺縱則國治且安矣王曰國所受于先人宗廟社稷至重而比之二尺縱何也牟曰大王制冠不使親近而必求良工者非爲其敗縱而冠不成與今治國不善則社稷不安宗廟不血食大王不求良士而任使其私愛此非輕國于二尺縱之制邪王無已應

北堂書鈔一百二十七御覽八百二十四

684

凡人性難極也難知也故其絕異者常爲世俗所遺失焉

文選歸去來辭

注王文憲集序注

薛翁者長安善相馬者也于邊郡求得駿馬惡貌而正走名驥子騎目入市去來人不見也後勞問之因請觀焉翁曰諸卿無目不

足示也

統文類聚九十三文選蜀都賦注御覽八百九十七

夫畜生賤也然有尤善者皆見記識故馬稱驊駟驥驎牛譽郭椒

丁櫟

統文類聚九十四

賢有五品謹敕于家事順悌于倫黨鄉里之士也作健曉惠文史

無害縣廷之士也信誠

官本作誠

篤行廉平公

當有脫

理下務上者州郡

之士也通經術名行高能達于從政寬和有固守者公輔之士也

才高卓絕疎殊

官本作疎殊

于眾多籌大略能圖世建功者天下之士

也

林意

居家循理鄉里和順出入恭敬言語謹遜謂之善士

文選范蔚宗

言求取輔佐之術既得之又有大難三而止善二為世之事中庸

多大材少少不勝眾一口不能與一國訟持孤特之論干雷同之

計曰疏賤之處逆貴賤之心則萬不合此一難也夫建蹕殊為非

常乃世俗所不能見也又使明智圖事而與眾平之亦必不足此

二難也。既聽納有所施行，而事未及成，讒人隨而惡之，卽中道狐疑，或使言者還受其尤，此三難也。智者盡心竭言，曰爲國造事，眾聞之，則反見疑，壹不當合，遂被譖想。舊校云：想，惡想。雖有十善，隔曰一惡去，此一止善也。材能之士，世所嫉妬，遭遇明君，乃壹興起，既幸得之，又復隨眾，弗與知者，雖有若仲尼，猶且出走，此二止善也。是故非君臣致密堅固，割心相信，動無間疑，若伊呂之見用，傳說通夢，管鮑之信任，則難已遂功竟意矣。又說之言，亦甚多端，其欲觀使者，則曰古之賢輔，厲王疑當作之欲閑疏別離，則曰專權危國者論之，蓋父子至親，而人主有高宗孝己之設，疑當作失及景武時，栗衛太子之事，忠臣高節，時有龍逢比干，伍員晁錯之變，比類眾多，不可盡記，則事曷可爲邪？庸易知邪？雖然，察前世已然之効，可曰觀覽，亦可曰爲戒。維諸高妙大材之人，重時遇咎，舊校云：咎，惡合。皆欲上與賢侔，而垂榮歷載，安肯毀名廢義，而爲不軌惡行乎？若夫魯連解齊趙

之金封虞卿捐萬戶與國相乃樂已成名肆志豈復干求便辟趨利邪覽諸邪背叛之臣皆小辨貪饕之人也大材者莫有焉由是觀之世間高士材能絕異者其行親任亦明矣下主乃意疑之也如不能聽納施行其策雖廣知得亦終無益也

華書治要

賈誼不左遷矢志則文彩不發淮南不貴盛富饒則不能廣聘駿士使著文作書太史公不典掌書記則不能條悉古今揚雄不貧則不能作立言

林意

殷之三仁皆暗于前而章于後何益于事何補于君

林意

謂揚子雲曰如後世復有聖人徒知其材能之勝已多不能知其

聖與非聖人也子雲曰誠然

論衡講瑞篇出新論望文知之故采之

案此條不言

#### 言體第四

凡人耳目所聞見心意所知識情性所好惡利害所去就亦皆同務焉若材能有大小智略有深淺聽明有闇照質行有薄厚亦皆

異度焉。非有大材深智。則不能見其大體。大體者。皆是當之事也。

夫言是而計當。遭變而用權。常守正。

當作居常而守正

見事不惑。內有度

量。不可傾移。而詎曰譎異。爲知大體矣。如無大材。則雖威權如王

翁。察慧如公孫龍。敏給如東方朔。言災異如京君明。及博見多聞。

書至萬篇。爲儒教授數百千人。祇益不知大體焉。維王翁之過絕。

世人有三焉。其智足曰飾。非奪是。辨能窮詰。說士威則震懼羣下。

又數陰中。不使已者。故羣臣莫能抗答其論。莫敢干犯匡諫。卒曰。

致亡敗。其不知大體之禍也。夫

當有知字

帝王之大體者。則高帝是矣。

高帝曰。張敖蕭何韓信此三子者。皆人傑也。吾能用之。故得天下。

此其知大體之効也。王翁始秉國政。自己通明賢聖。而謂羣下才

智。莫能出其上。是故舉措興事。輒欲自信任。不肩與諸明習者通。

兵

有脫誤

苟直意而發。得之而用。是曰稀獲其功效焉。故卒遇破亡。

此不知大體者也。高帝懷大智略。能自揆度羣臣。制事定法。常謂

曰庠而勿高也度吾所能行爲之憲度內疏政合于時故民臣樂  
悅爲世所思此知大體者也王翁嘉慕前聖之治而簡薄漢家法  
令故多所變更欲事事効古美先聖制度而不知己之不能行其  
事釋近趨遠所尙非務故曰高義退致廢亂此不知大體者也高  
祖欲攻魏乃使人窺視其國相及諸將率左右用事者知其主名  
乃曰此皆不如吾蕭何曹參韓信樊噲等亦易與耳遂往擊破之  
此知大體者也王翁前欲北伐匈奴及後東擊青徐眾郡赤眉之  
徒皆不擇良將而但曰世姓及信謹文吏或遣親屬子孫素所愛  
好或無權智將帥之用猥使據軍持眾當赴強敵是曰軍合則損  
士眾散走咎在不擇將將與主俱不知大體者也

羣書  
治要

北堂

書鈔一  
百十六

周亞夫嚴猛哮吼之用可謂國之大將軍

北堂書鈔未改  
本一百十五

世有圍碁之戲或言是兵法之類也及爲之上者遠碁疏張置己會圍因而伐之成多得道之勝中者則務相絕遮要己爭便求利故勝負狐疑須計數而定下者則守邊隅趨作罽目己自生于小地然亦必不如察薛公之言黥布反也上計云取吳楚并齊魯及燕趙者此廣地道之謂也其中計云取吳楚并韓魏塞成皋據敖倉此趨遮要爭利者也下計云取吳下蔡據長沙呂臨越此守邊隅趨作罽目者也更始帝將相不能防衛而令罽中死碁皆生也

史記黥布傳集解文選博奕論注長短經二國權御覽七百五十三意林

更始帝到長安其大臣辟除東宮之事爲下所非笑但爲小衛樓

半城而居之己是知其將相非蕭曹之儔也

初學記二十四

夫言行在于美善不在于眾多出一美言美行而天下從之或見一惡意醜事而萬民違之可不慎乎故易曰言行君子之樞機樞

機之發榮辱之主所以動天地者也

華書治要

王翁則殺人又復加毒害焉至生燒人曰醢五毒灌死者肌肉及埋之復薦覆以荆棘人既死與土木等雖重加創毒亦何損益成湯之省納無補于士民士民向之者嘉其有德惠也齊宣之活牛無益于賢人賢人善之者貴其有仁心也文王葬枯骨無益于眾庶眾庶悅之者其恩義動人也本作思義動之也依意林改王翁之殘死人觀人五藏觀人五藏則字依意林加無損于生人生人惡之者曰殘酷示之也維此四事忽微而顯著纖細而猶大故二聖曰興一君用稱王翁曰亡知大體與不知者遠矣羣書治要

聖王治國崇禮讓顯仁義曰尊賢愛民爲務是爲卜筮維寡祭祀用稀羣書治要

昔楚靈王驕逸輕下簡賢務鬼信巫祝之道齋戒潔鮮曰祀上帝禮羣臣躬執羽紱起舞壇前吳人來攻其國人告急而靈王鼓舞自若顧應之曰寡人方祭上帝樂明神當蒙福祐焉不敢赴救而



吳兵遂至，俘獲其太子及后姬，甚可傷。

御覽五百二十六  
又七百三十五

王翁好卜筮，信時日，而篤于事鬼神，多作廟兆，潔齋祀祭，犧牲穀

膳之費，吏卒辨治之苦，不可稱道。爲政不善，見叛天下，及難作兵

起，無權策，已自救解，乃馳之南郊告禱，搏養傳作搏心言冤，號與流涕，

叩頭請命，幸天哀助之也。當兵入宮，日矢射交集，燔火大起，逃漸

臺下，尚抱其符命書及所作威斗，可謂蔽惑至甚矣。

羣書  
治要

見徵第五

東方朔短辭薄語，已謂信驗，人皆謂朔大智。後賢莫之及，譚曰：鄙

人有曰狐爲狸，已瑟爲筮，此非徒不知狐與瑟，又不知狸與筮

，乃非但言朔亦不知後賢也。

意林載文類  
聚四十四

余前爲典樂大夫，有梟鳴于庭樹上，而府中門下皆爲憂懼。後余

與典樂謝侯爭鬪，俱坐免去。

御覽四百九十六  
又九百二十七

余從長安歸，沛道疾，御覽蒙絮破，絳蜀儼儼，乘驛馬宿于下邑東。

亭中亭長疑是賊發卒夜來攻余令吏勿鬪乃相問解而去此安

靜自存也

北堂書鈔一百二十九卷文類聚七十五御覽六百九十三又八百十六

夫曰人言善我亦必曰人言惡我王翁使都尉孟孫往泰山告祠

道過徐州徐州牧宋仲翁道余才智陳平留侯之比也孟孫還喜

謂余曰仲翁盛稱子德子乃此邪余應曰與僕游四五歲不吾見

稱今聞仲翁一言而奇怪之若有人毀余子亦信之吾畏子也

林意

周易曰肥遯無不利

文選謝靈運入華子岡詩注

宋康王為無頭之冠曰示勇

御覽六百八十四

傳記言

此三字依初學記二十五加

淳于髡至鄰家見其竈突之直而積薪在

焉曰此且有火災教使更為曲突而遠徙

本作徙遠依初學記乙轉

其薪竈

類聚八

家不聽後災火果及積薪而燔其屋鄰里並救擊乃

本作

十作鄰

滅止而烹羊具酒曰勞謝救火者曲突遠薪固不可呼淳

及依

于髡飲飯智者譏之云教人曲突遠薪固無恩澤焦頭爛額反為

上客蓋傷其賤本而貴末也

也字依疏文類聚加

豈獨夫

本作夫獨

突薪可

已除害哉而人病國亂亦皆如斯是故良醫醫其未發而明君絕

其本謀後世多損于杜塞未萌而勤于攻擊已成謀臣稀賞而鬪

士常榮猶彼人殆

未能斷句或本詩節南山無小人殆

失事之重輕察涓于髡之預

言可已無不通此見微

當作見微必有一誤

之類也

羣書治要

博士弟子韓生居東寺連三夜有惡夢已問人人教已晨起清

與

通中祝之三旦而人告已為呪詛捕治數日死

御覽一百八十六又四百

待詔景子春素善占坐事繫獄其婦父朱若

疑當依下文作君

至獄門通

言遺襦袴于春驚曰朱君來言與朱為誅袴而襦中絕者也我當

誅斷也後遂腰斬

御覽六百九十五

陽城子姓張名衡蜀郡人王翁

時字

與吾俱為講學祭酒及寢疾

預買棺槨多下錦繡立破發冢

御覽八百十五

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷十三終

全後漢文卷十四

烏程嚴可均校輯

桓譚三

桓子新論中

譚非第六

王者初興皆先建根本廣立藩屏。曰自樹黨而強固國基焉。是曰  
周武王克殷未下輿而封黃帝堯舜夏殷之後及同姓親屬功臣  
德行。曰爲羽翼佐助鴻業永坐流舊校云流悲統于後嗣。乃者強秦罷去  
諸侯而獨自恃任一身子弟無所封孤弱無與。是曰爲帝十四歲  
而亡。漢高祖始定天下背亡秦之短計舊校云導導思遵導舊校云導思遵殷周之長道褒  
顯功德多封子弟。後雖多曰驕佚敗亡。然漢之基本得曰定成。而  
異姓強臣不能復傾。至景武之世見諸王數作亂因抑奪其權勢  
而王但得虛尊坐食租稅。故漢朝遂弱孤單特立。是曰王翁不興

兵領士而徑取天下又懷貪功獨專之利不肖封建子孫及同姓

戚屬爲藩輔之固故兵起莫之救助也傳曰與死人同疾者不可

爲醫與亡國同政者不可爲謀王翁行甚類暴秦故亦十五歲而

亡失當作夫獵射禽獸者始欲中之恐其創不大也既已得之又惡

其傷肉多也鄙人有得脰本作脰依御覽四百九十二八百六十

延改御覽引本注音植生肉醬也又音醬而美之及飯惡與人共食卽小唾其中共者怒因涕其醬遂

棄而俱本作但依御覽改不得食焉彼亡秦王翁欲取天下時乃樂與人

分之及已得而重愛不肖與是惜肉唾脰本作者樂依御覽改之類也羣書治要

昔齊桓公出見一故墟而問之或對曰郭氏之墟也復問郭氏曷

爲墟曰善善而惡惡焉桓公曰善善惡惡乃所曰爲存而反爲墟

何也曰善善而不能用惡惡而不能去彼善人知其貴已而不用

則怨之惡人見其賤已而不好則仇之夫與善人爲怨惡人爲仇

欲毋亡得乎乃者王翁善天下賢智材能之士皆微聚而不肖用

使人懷誹謗而怨之。更始帝惡諸王假號無義之人而不能去。令  
各心恨而仇之。是曰王翁見攻而身死。宮室燒盡。更始帝爲諸王  
假號而出走。令城郭殘。二主皆有善善惡惡之費。故不免于禍難。  
大災卒使長安大都壞敗爲墟。此大非之行也。北蠻之先與中國  
並。歷年茲多。不可記也。仁者不能曰德來。强者不能曰力并也。其  
性忿戾。獸聚而鳥散。其強難屈。而程難得。是曰聖王羈縻而不專  
制也。昔周室衰微。夷狄交侵。中國不絕如綫。于是宣王中興。僅得  
復其侵地。夫曰秦始皇之強。帶甲四十萬。不能窺河西。乃築長城  
以分之。漢興高祖見圍于平城。呂后時爲不軌之言。文帝時匈奴  
大入。漢火侯駘至雍甘泉。景武之閒。兵出數困。卒不能禽制。卽與  
之結和親。然後邊甬疑作竟得安。中國曰寧。其後匈奴內亂。分爲五  
單于。甘延壽得承其弊。曰深德呼韓邪單于。故可委質稱臣。來入  
朝。見漢家。漢家得曰宣德廣之隆。而威示四海。莫不率服。歷世無

寇安危尙未可知而猥復侵刻匈奴往攻奪其璽綬而貶損其大

臣號位變易舊常分單于爲十五是已恨恚大怒事相攻拒王翁

不自非悔及當作乃遂持屈強無理多拜將率調發兵馬運徙糧食

財物已彈當作彈索天下天下愁恨怨苦因大擾亂竟不能挫傷一

胡虜徒自窮極竭盡而已書曰天孽可避自作孽不可活其斯之

謂矣夫高帝之見圍當作七日不食及得免脫遂無慍色誠知其

往攻非務而怨之無益也今匈奴負于王翁王翁就往侵削擾之

故使事至于斯豈所謂肉自生蟲而人自生禍者邪其爲不急乃

劇如此自作之甚者也羣書治要

王莽本書作王翁微時置西海郡令其吏皆百石親事一曰爲四

百石二歲而遷補續漢百官志五注案莽傳居攝元年西羌怨莽奪其地作西海郡

漢宣已來百姓賦錢御覽一歲爲四十餘萬萬吏俸用其半餘二

十萬萬藏于郡內爲禁錢少府所領園地作務之八十三萬萬日



給宮室供養諸賞賜

文選永明九年策秀才文注御覽六百二十七

王莽

當作

起九廟已銅爲柱薨大金銀錯鏤其上

御覽五百三十一

舉火夜作燃炭乾牆

御覽八百七十一

夫

當作

異變怪者天下所常有無世而不然逢明主賢臣智士仁

人則修德善政省職慎行已應之故咎殃消亡而禍轉爲福焉昔

大戊遭桑穀生朝之怪獲中宗之號武丁有雉雉升鼎之異身享

百年之壽周成王遇雷風折木之變而獲反風歲熟之報宋景公

有災惑守心之憂星爲徙三舍由是觀之則莫善于已德義精誠

報塞之矣故周書曰天子見怪則修德諸侯見怪則修政大夫見

怪則修職士庶見怪則修身神不能傷道妖亦不能害德及衰世

薄俗君臣多淫驕失政士庶多邪心惡行是已數有災異變怪又

不能內自省視畏天威而反外攷謗議求問厥故惑于佞愚而已

自註誤而令患禍得就皆違天逆道者也

羣書治要

武帝出璽印后財有兆朕子侯則沒印帝畏惡故殺之

史記封禪書索隱

余前作王翁掌教

當作樂

大夫時有男子畢康殺其母有詔燔燒其

子屍暴其罪于天下余謂此事不宜宣布上封事云昔宣帝時公

卿大夫朝會廷中丞相語次言聞梟生子子長且食其母乃能飛

靈然邪時有賢者應曰但聞梟子反哺其母耳丞相大慙自悔其

言之非也羣士人皆少丞相而多彼賢人賢人之言有益于德化

也是故君子掩惡揚善鳥獸尚為之諱而況于人乎不宜發揚也

意林御覽四百九十一

又九百二十七

呈衣冠于裸川

述異記上

董賢女弟為昭儀居舍號曰椒風

後漢班固傳上注文選而都風注又宣貴妃誄注御覽一百八

十一

楚之郢都車轂擊民肩摩市路相排突號為朝衣新而暮衣弊

北堂

書鈔一百二十九  
御覽七百七十六

道路皆蒿草寥廓狼藉

又選蜀都賦注

或言往者公卿重臣缺而眾人咸豫部署云甲乙當爲之後果然  
彼何已處知而又能與上同意乎孔子謂子貢億則屢中今眾人  
能與子貢等乎余應曰世之在位人率同輩相去不甚膠著其脩  
善少愈者固上下所昔聞知也夫明殊者視異智均者慮侔故羣  
下之隱常與上同度也如昔湯武之用伊呂高宗之取傅說桓穆  
之授管甯由奚豈眾人所識知哉彼羣下雖好意措亦焉能責斯  
已可居大臣輔相者乎國家設理官制刑辟所已定奸邪又內量  
中丞御史已正齊轂下故常用明習者始已欲有脫分正法而終  
乎侵輕深刻皆務酷虐過度欲見未當有盡力而求獲功賞或著  
能立事而惡劣弱之誦是已役已筆楚舞文成惡及事成獄畢雖  
使皋陶聽之猶不能聞也至于言語小故陷致人于族滅事誠可  
悼痛焉漸至乎朝廷時有忿恨聞惡弗原故令天下相放俱成有疑

脫惑譏有司之行深刻云下尙執重而令上得施恩澤此言甚非也夫賢吏正士爲上處事持法宜如丹青矣是故言之當必可行也罪之當必可刑也如何苟欲阿指乎如遭上忽略不宿留而聽行其事則當受強死也哀帝時待詔伍客已知皇當作星好方道數召當有見字後坐帝帝字衍事下獄獄窮訊得其宿與人言漢朝當生勇怒子如武帝者刻暴已爲先帝爲怒子非所宜言大不敬夫言語之時過差失誤乃不足被已刑誅及訴欺事可無于不至罪易言大人虎變君子豹變卽已足論論人主寧可謂曰何爲比我禽獸乎如稱君之聖明與堯舜同或可怒曰何故比我于死人乎世主旣不通而輔佐執事者復隨而聽之順成之不亦重爲矇矇乎羣書

治要

九江太守龐參按縣令高受社祭釐有生牛肉二十斤劾已主守盜上請逮捕詔釐不服天下緣是諸府縣社臘祠祭竈不但進熟

食皆復多肉米酒肺脂諸奇珍益盛是故諸郡府至殺牛數頭

御覽

八百六十三

啟寤第七

龍無尺水無已昇天聖人無尺土無已王天下

林意

識出河圖洛書但有兆朕而不可知後人妄復加增依託稱是孔  
丘誤之甚也

林意

張子侯曰揚子雲西道孔子也乃貧如此吾應曰子雲亦東道孔

子也昔仲尼豈獨是魯孔子亦齊楚聖人也

林意

畫水鏤冰與時消釋

意林御覽六十八

孔子曰四科教士隨其所喜譬如市肆多列雜物欲置之者竝至

林意

聖人天然之姿所已絕人遠者也

文選陸士衡宴玄園宣猷堂詩注

昔顏淵有美妙次聖之才聞一知十

文選應休鍾與曹長思詩注

子貢對齊景公曰臣之事仲尼譬如渴而操杯器就江海飲滿腹

而去又焉知江海之深文選運命論注頭陀寺碑文注

夫不翦之屋不如阿房之宮不琢之椽不如磨礱之桷立酒不如

蒼梧之醇控揭不如流鄭之樂初學記十五御覽五百六十九

諺言三歲學不如一歲擇師御覽四百四

孔子匹夫耳而卓然名著至其冢墓高者牛羊雞豚而祭之下及

酒脯寒具致敬而去御覽八百六十

吳之甑水若魚鼈蜀之便山若禽獸御覽九百三十二

祛蔽第八

顏淵所曰命短慕孔子所曰殤其年也關東鄙語曰人聞長安樂

則出門西向而笑知六帖十六知字作如聞二字肉味美則對屠門而大嚼此

猶時人雖不別聖亦復欣慕如庸馬與良馬相追銜尾至慕共列

良馬宿所鳴食如故庸馬垂頭不復食何異顏淵與孔子優劣林意

北堂書鈔一百四十五篇文類聚七十二文選曹子建與吳季重書注初學記二十五六帖十六細覽三百九十一又四百九十六又八百二十八又八百六十三又八百九十七

余少時見揚子雲之麗文高論不自量年少新進而猥欲逮及嘗激一事而作小賦用精思太劇而立感動發病彌日瘳子雲亦言成帝時趙昭儀方大幸每上甘泉詔令作賦爲之卒暴思精苦賦成遂困倦小臥夢其五藏出在地呂手收而內之及覺病喘悸大少氣病一歲北堂書鈔作病發一年而死甘泉賦注作明日遂卒九作病一北堂書鈔作病發一年而死甘泉賦注作明日遂卒歲卒皆誤由此言之盡思慮傷精神也意林北堂書鈔一百二十二歲選甘泉賦注文賦注白孔六帖八十六御覽三百九十三又三百九十九又五百八十七又七百三十九莊周病劇弟子對泣之應曰我今死則誰先更百年生則誰後必不得免何貪于須臾意林

余前爲王翁典樂大夫見樂家書記言文帝時得魏文侯時樂人賈公年百八十歲兩目皆盲文帝奇而問之曰因何服食而能至

此邪對曰臣年十三失明父母哀其不及眾技事教臣爲樂使鼓琴曰講習曰爲常事臣不能導引無所服餌也不知壽得何力余曰爲寶公少盲專一內視精不外鑒恆逸樂所曰益性命也故有

此壽

漢書藝文志注辨正論引陳思王辯道論御覽三百八十三又七百四十

齊桓公行見麥

宋本初學記作麥

巨人問其年幾何對曰八十三矣公曰

曰子壽祝寡人乎對曰使主君甚壽金玉是賤曰人爲寶

初學記八太平

哀字記十  
二譙縣

余嘗過故陳令同郡杜房見其讀老子書言老子用恬淡養性致壽數百歲今行其道寧能延年卻老乎余應之曰雖同形名而質性才幹乃各異度有強弱堅脆之姿焉愛養適用之直差愈耳譬猶衣履器物愛之則完全乃久余見其旁有麻燭而地垂一尺所則因曰喻事言精神居形體猶火之然燭矣如善扶持隨火而側之可毋滅而竟燭燭無火亦不能獨行于虛空又不能後然其地



地僞人之耆老齒墮髮白肌肉枯腊而精神弗爲之能潤澤內外周徧則氣索而死如火燭之俱盡矣人之遭邪傷病而不遇供養良醫者或強死死則肌肉筋骨常若火之傾刺風而不復救護亦道滅則膚餘幹長焉余嘗夜坐飲內中然麻燭燭半壓欲滅卽自曰敕視見其皮有剝鉉乃扶持轉側火遂度而復則維人身或有虧剝劇能養慎善持亦可已得度又人莫能識其始生時則老亦死不當自知夫古昔平和之世人物蒙美盛而生皆堅強老壽咸百年左右乃死死時忽如臥出者猶果物穀實久老則自墮落矣後世遭衰薄惡氣娶嫁又不時勤苦過度是已身生子皆俱傷而筋骨血氣不充強故多凶短折中年夭卒其遇病或疾痛惻怛然後中絕故咨嗟憎惡已死爲大故昔齊景公美其國嘉其樂云使古而無死何若晏子曰上帝已人之歿爲善仁者息焉不仁者如焉今不思勉廣日學自通已趨立身揚名如但貪利長生多求延壽

安能自盡易  
盡易之極燈  
燭自盡易盡  
字皆當作益

益年則惑之不解者也。或難曰：已燭火喻形神，恐似而非焉。今人之肌膚時剝傷而自愈者，血氣通行也。彼蒸燭缺傷，雖有火居之，不能復全。是已神氣而生長如火燭，不能自補完。蓋其所已爲異也。而何欲同之？應曰：火則從一端起，而人神氣則于體當從內稍出，合于外。若由外腠達于內，故未必由端往也。譬由炭火之變赤，如水過渡之亦小滅，然復生焉。此與人血氣生長肌肉等。顧其終極，或爲炙，或爲燧耳。曷爲不可已？喻哉。余後與劉伯師夜焚脂火坐語，燈中脂索而炷，燹將滅息，則已示曉。伯師言：人衰老亦如彼。禿燈矣。御覽八百七十一作禿炷矣又爲言前焚麻燭事。伯師曰：燈燭盡當益其脂，易其燭。人老衰亦如彼。自鑒續余應曰：人既稟形體而立，猶彼持燈一燭。及其盡極，安能自盡？易盡易之乃在人。人之鑒儻亦在天。天或能爲他其肌骨血氣充強，則形神枝而久生。惡則絕傷。猶火之隨脂燭多少長短爲遲速矣。欲燈燭自盡，易已不能，但促

斂膏脂已染漬其頭轉側蒸幹使火得安居則皆復明焉及本盡者亦無已斃今人之養性或能使墮齒復生白髮更黑肌顏光澤如彼促脂轉燭者至壽極亦獨死耳明者知其難求故不己自勞愚者欺或而冀獲盡脂易燭之力故汲汲不息又草木五穀已陰陽氣生于土及其長大成實實復入土而後能生猶人與禽獸昆蟲皆已雄雌交接相生生之有長長之有老老之有死若四時之代謝矣而欲變易其性求爲異道惑之不解者也宏明集五又略見御覽八百七

衛后園有送葬時乘輿馬十匹吏卒養視善飲不能乘而馬皆六

十歲乃死

御覽八百九十七

余與劉子駿言養性無益其兄子伯玉曰天生殺人藥必有生人藥也余曰鉤吻不與人相宜故食則死非爲殺人生也譬若巴豆毒魚砒石賊一本作殺鼠桂害懶杏核殺猪天非一本作非天故爲作也御覽

九百九十

正經第九

學者既多蔽暗而師道又復缺然此所已滋昏也文選顧延年皇太子釋奠會詩注

秦近君能說堯典篇目兩字之說至十餘萬言但說曰若稽古三

萬言漢書藝文志注 案文心雕龍論說篇曰若秦君延之注堯典十餘萬字朱普之解尚書三十萬言所已通人惡煩蓋學

章句近君君延必有一誤

子貢問蘧伯玉曰子何已治國答曰弗治治之林意

易一曰連山二曰歸藏三曰周易連山八萬言歸藏四千三百言

連山藏于蘭臺歸藏藏于太卜已上十二字依北堂書鈔一古文

尚書舊有四十五卷案漢志作四十六卷為十八篇句有脫誤漢志作五十七篇師古引鄭元敘贊

云後又亡其一篇故五十古秩禮記有四漢志作五十六卷古論語二

十一卷與齊魯文異六百四十餘字與齊下十一字依古孝經一

卷二十章

漢志作二十章

千八百七十二

漢志注作一字今異者四百

餘字嘉論之林藪文義之淵海也

御覽六

維四月太子發上祭于畢下至孟津之上此武王已畢三年之喪

欲卒父業升舟而魚入則地應也燎祭降烏則天應也二年聞紂

殺比干囚箕子太師少師抱樂器奔周甲子日月若連璧五星若

連珠昧爽武王朝至于商郊牧野從天曰討紂故兵不血刃而定

天下

御覽三百二十九

人抱天地之體懷純粹之精有生之最靈者也是曰貌動于木言

信于金視明于火聰聰于水思睿于土五行之用動靜還與神通

貌恭則肅肅時雨若言從則乂乂時暘若視明則哲哲時煥若聰

聰則謀謀時寒若心嚴則聖聖時風若金木水火皆載于土兩暘

煥寒皆發于風貌言視聽皆生于心

五行大義四

王者造明堂辟雍所曰承天行化也

初學記九御覽五百三十三

天俾明故命

曰明堂上圖法天下方法地八窗法八風四達法四時九室法九

州十二坐法十二月三十六戶法三十六雨七十二牖法七十二

風續漢祭祀志中注為四面堂各從其色曰倣四方藝文類聚三十三王者

作圓池如璧形實水其中曰環墜之故曰辟雍言其上承天地曰

班教令流轉王道周御覽而復始藝文類聚三十八

左氏傳遭戰國寢廢後百餘年魯人穀梁赤為春秋殘略多所遺

失又有齊人公羊高緣經文作傳彌離其本事矣左氏傳于經猶

衣之表裏相待而成經而無傳使聖人閉門思之十年不能知也

意林經典釋文敘錄史通十四御覽六百十案君山推崇左氏

如此史通十四又引東觀漢記陳元奏云光武興立左氏而桓譚

衛宏並共毀訾故中道而廢諸儒觀春秋之記錄政治之得失曰立正義曰為聖人復起當復

作春秋也自通士若太史公亦曰為然余謂之否何則前聖後聖

未必相襲夫聖賢所陳皆同取道德仁義曰為奇論異文而俱善

可觀者猶人食皆用魚肉菜茹已爲生熟異和而復居美者也

書鈔未改本九十  
五御覽六十八

吳之篡弑滅亡繫由季札札不書上放周公之攝位而下慕曹賊之謙讓名已細矣春秋之趣豈謂爾乎

古文苑鄭  
炎對事

堯能則天者貴其能臣舜禹二聖

意林

### 識通第十

劉子政子駿子駿兄子伯玉三人俱是通人尤珍重左氏教授子

孫下至婦女無不讀誦者此亦蔽也

意林北堂書鈔九十八御覽  
六百十又六百十六

漢高祖建立鴻基侔功湯武及身病得良醫弗用專委婦人歸之

天命亦曰誤矣此必通人而蔽者也

文選謝靈運盧  
陵王墓下詩注

漢太宗文帝有仁智通明之德承漢初定躬儉省約已惠休百姓

救贍困乏除肉刑減律法薄葬埋損輿服所謂達于養生送終之

實者也及始從代徵時謀議狐疑能從宋昌之策應聲馳來卽位

而偃武修文施布大恩欲息兵革與匈奴和親總撮綱紀

北堂書鈔十五

作紀

故遂衰增隆為太宗也而溺于俗議斥逐材臣又不勝私恩

使嬖妾慎夫人與皇后同席曰亂

本作混依文選宦者傳論注論

尊卑之倫此其

所蔽也

御覽八十八

充實殷富

北堂書鈔十五疑是言文帝

漢武帝材質高

御覽作英

妙有崇先廣統

御覽作崇文廣業

之規故即位而開

發大志考合古今

戴文類聚作今古御覽作同今北堂書鈔十二與御覽同

模範前聖故事建

正朔定制度招選俊傑奮揚威怒武義四加所征者服

北堂書鈔十三引此

二興起六藝廣進儒術自開關以來惟漢家為最盛焉故顯為世

宗可謂卓爾絕世之主矣然上乃多過差既欲斥境廣土乃又貪

利爭物之無益者聞西夷大宛國有名馬即大發軍兵攻取歷年

士眾多死但得數十匹耳又歌兒衛子夫因幸愛重乃陰求陳皇

后過惡而廢退之即立子夫更其男為太子後聽邪臣之譖衛后



曰憂死太子出走滅亡不知其處信其巫蠱多徵會邪僻求不急  
之方大起宮室內竭府庫外罷天下百姓之死亡不可勝數此可  
謂通而蔽者也藝文類聚十二  
御覽八十八

漢書陳遵傳云張竦爲賊兵所殺李奇曰竦知有賊當去會反  
支曰不去因爲賊所殺桓譚曰爲通人之蔽也

揚子雲爲郎居長安素貧比歲亡其兩男哀痛之皆持歸葬于蜀  
曰此困乏雄當作子雲  
當變其詞耳察達聖道明于死生宜不下季札然而  
慕怨死子不能已義割恩自令多費而至困貧御覽五百  
五十六

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷十四終

全後漢文卷十五

烏程嚴可均校輯

桓譚四

桓子新論下

離事第十一

舉綱已綱千目皆張振裘持領萬毛自整治大國者亦當如此

已賢代意林作賢謂之順意林已不肖代不肖謂之亂意林御覽

關竝字子陽材智通達漢書溝洫志注案此已下皆言治河事

志云王莽時徵能治河者已百數其大略異者長水校尉平陵關

竝言河決率常于平原東郡左右其地形下而土疏惡聞禹治河

時本空此地已為水復盛則放溢少稍自索雖時易處猶不能離

此上古難識近察秦漢已來河決曹衛之域其南北不過百八十

里者可空此地勿已為官亭民舍而已

大司馬當有張戎字仲功習漑灌事漢書溝洫志注御覽議曰事

注河史字河水濁一石水六斗泥而民競引河漑田令河不通利至三

月桃花水至則河決已其噎不泄也可已禁民勿復引河御覽六十一事

類河賦注案溝洫志云大司馬史長安張戎言水性就下行疾

則自利除成空而稍深河水重濁號為一石水而六斗泥今西方

諸郡已至京師東行民皆引河渭山川水既田春夏乾燥少水時

也故使河流遲滯而稍淺雨水多暴至則溢決也國家數隄塞

之稍益高干平地猶築垣而居水也可各順從其性

毋復隄溉則百川流行水道自利無溢決之害矣

韓牧字子台善水事漢書溝洫志注案志云御史臨淮韓牧已

有四五宜有益

王平仲云周譜言定王五年河徙故道水經注河水今所行處非

禹所穿意林案溝洫志云大司空掾王橫言河入勃海勃海地

出變數百里九河之地已為海所漸矣禹之行河水本隨西山南

東北去周譜云定王五年河徙則今所行非禹之所穿也又秦攻

魏決河灌其都決處遂大不可復補宜徇徙完平處更開空使絲

西山足乘高地而東北入海通無水災沛郡桓譚為司空掾典其

議為甄豐言凡此數者必有一是宜詳考驗皆可豫見計定然後

舉事費不過數億萬亦可已事諸梓食無產業民空居與行役同

當衣食衣食縣官而為之作通兩便可已上繼

禹功下除民疾王莽時但崇空語無施行者

四瀆之源河最高而長從高注下水流激峻故其流急為平地災

害

水經注河水一  
故文類聚九

通厯數家算法推考其紀從上古天元已來訖十一月甲子夜半

朔冬至日月若連璧

初學記四歲  
華記歷四

余前爲郎典漏刻燥溼寒溫輒異度故有昏明晝夜晝日參已晷

景夜分

御覽作  
暮夜

參已星宿則得其正

北堂書鈔未改本一百三  
十初學記二十五御覽二

揚子雲好天文問之于黃門作渾天老工曰我少能作其事但隨  
尺寸法度殊不曉達其意然稍稍益愈到今七十乃甫適知已又  
老且死矣今我兒子愛學作之亦當復年如我乃曉知已又且復  
死焉其言可悲可笑也

北堂書鈔未改本  
一百三十御覽二

通人揚子雲因眾儒之說天曰天爲如蓋轉

初字轉字依  
初學記一加

常左旋

日月星辰隨而東西乃圖畫形體行度參已四時厯數昏晝夜欲  
爲世人立紀律已垂法後嗣余難之曰春秋晝夜欲等平旦日出  
于卯正東方暮日入于酉正西方今已天下人占視之此乃人之

卯酉。非天卯酉。天之卯酉。當北斗極。北斗極。天樞。樞。天軸也。猶蓋有保斗矣。蓋雖轉而保斗不移。天亦轉周。而斗極常在。知爲天之中也。仰視之。又在北。不正在人上。而春秋分時。日出入。乃在斗南。如蓋轉。則北道近。南道遠。彼晝夜刻漏之數。何從等平。子雲無已解也。後與子雲奏事待報。坐白虎殿廊廡下。已寒。故背日曝背。有頃。日光去。背不復曝焉。因已示子雲曰。天卽蓋轉。而日西行。其光影當照此廊下。而稍東耳。無乃是反應。渾天家法焉。子雲立壞其所作。則儒家已爲天左轉非也。晉書天文志一御覽二事類賦注

五藏

釋藏百字二號梁釋僧祐世界記序云桓譚拒問率五藏已爲喻

言太山之上有刻石。凡千八百餘處。而可識知者七十有二。初學記九

御覽五百三十六

太史三世表。旁行邪上。竝效周誡。

梁書劉杳傳

漢之三王。內置黃門工倡。

文選長笛賦注繁休伯與魏文帝賡注

昔余在孝成帝時爲樂府令凡所典領倡優伎樂蓋有千人

未改本  
五十五

聖賢之材不世而妙善之技不傳

文選王元長  
曲水詩序注

揚子雲大才而不曉音余頗離雅樂而更爲新弄子雲曰事淺易  
善深者難識卿不好雅頌而悅鄭聲宜也

御覽五百  
六十五

惟人心之所獨曉父不能言禪子兄不能言教弟也

文選魏文帝  
典論論文注

五聲各從其方春角夏徵秋商冬羽宮居中央而兼四季曰五音

須宮而成可曰殿上五色錦屏風諭而示之望視則青赤白黃黑

各各異類就視則皆曰其色爲地四色文飾之其欲爲四時五行

之樂亦當各已其聲爲地而用四聲文飾之猶彼五色屏風矣

書鈔未改本一百三  
十二御覽七百一

余年十七爲奉車郎衛殿中小苑西門

御覽二  
百十五

譚謂揚子曰君之爲黃門郎居殿中數見輿輦玉蚤華芝及鳳皇

三蓋之屬皆元黃五色飾曰金玉翠羽珠絡錦繡茵席者也續漢志上注又後漢班固傳上注北堂書鈔未刪改本一百

四十一文選西都賦注寡婦賦注宋孝武宣貴妃誄注

雖不見古路車亦數聞師之說但素輿而蒲茵也北堂書鈔未刪改本一百四十

一 宓犧之制杵臼萬民曰濟及後世加巧因延力借身重曰踐碓而

利十倍杵舂又復設機關用驢羸牛馬及役水而舂其利乃且百

倍御覽七百六十二又八百二十九

劉歆致雨具作土龍吹律及諸方術無不備設譚問求雨所曰為

土龍何也曰龍見者輒有風雨興起曰迎送之故緣其象類而為

之續漢禮儀志中注

難曰頓牟磁石不能真是何能掇針取芥子駿窮無曰應論衡龍篇

扶風漆縣之邠亭部言本太王所處其民有會曰曰相與夜市如

不為期則有重災咎續漢郡國志一注初學記二十四御覽一百九十一又八百二十七

太原郡民曰隆冬不火食五日雖有疾病緩急猶不敢犯爲介子

推故也

北堂書鈔一百四十三藝文類聚三御覽二十七又後漢書周舉傳曰太原一郡舊俗曰介子推焚骸有龍忌之禁

至其亡月咸言神靈不樂舉火由是士民每冬中輒一月寒食莫敢烟爨注曰其事見桓譚新論

天下有鶴鳥郡國皆食之而三輔俗獨不敢取之取或雷霹靂起

原夫天不獨左彼而右此其殺取時適與雷遇耳

御覽十三又九百二十五

余小時聞閭巷言孔子東游見兩小兒辯鬪問其故一兒曰我曰

日始出時近日中時遠一兒曰日初出遠日中時近

案殷敬順列子釋文卷下

云愴愴桓譚新論亦述此事作愴愴涼據知新論原文具如列子湯問篇惟愴愴涼字小異法苑珠林既載列子于前故于新論有所刪

蓋及日中則如盤盂此不爲遠者小而近者大乎一兒曰日初出大如車

輪滄滄涼涼及其日中如探湯此不爲近者熱而遠者涼乎孔子不能決也金樓子立言篇亦載此事

長水校尉平陵關子陽曰爲日之去人上方遠而四旁近何曰知之星宿昏時出

東方其閒甚疏相離丈餘及夜半在上方視之甚數相離爲一二

尺曰準度望之逾益明白故知天上之遠于傍也曰爲天陽火爲



地陽地氣上升天氣下降今置火于地從旁與上診其熱遠近殊不同乃差半焉日中正在上覆蓋人人當天陽之衝故熱于始出時又新從太陰中來故復涼于其西在桑榆間大小雖同氣猶不如清朝也桓君山曰子陽之言豈其然乎隋書天文志上法苑珠林七

公孫龍六國時辯士也為堅白之論假物取譬謂白馬為非馬非馬者言白所曰名色馬所曰名形也色非形形非色人不能屈後乘白馬無符傳欲出關關吏不聽此虛言難曰奪實也六帖九御覽四百六

四十

世俗咸曰漢文帝躬儉約修道德躬先天下天下化之故致充實殷富澤加黎庶穀至石數十錢上下饒羨北堂書鈔一百五十六御覽三十五又八百三

十七

案此下當引成帝問劉向云云如風俗通所載也

太史公造書書成示東方朔朔為平定因署其下太史公者皆朔所加之者也史記孝武紀索隱又太史公自序傳索隱作遷所著書成目示東方朔朔皆署曰太史公

雒陽李幼賓有小玉檢謁衛者史子伯素好玉器見而奇之使余報曰三萬錢請買焉幼賓曰我與好事長者傳之已顧十萬非三萬錢主也余驚駭云我若于路見此千錢亦不市也故知之與不知相去甚遠

御覽八百五

### 道賦第十二

余少時好離騷博觀他書輒欲反學

北堂書鈔九十七

揚子雲攻于賦王君大習兵器余欲從二子學子雲曰能讀千賦

則善賦君大曰能觀千劍則曉劍諺曰伏習象神巧者不過習者

之門

意林案此約文北堂書鈔一百二引云余少好文見揚子雲賦頌欲從學子雲曰能讀千賦則善之矣哉文類聚五十

六引云余素好文見子雲工為賦欲從之學子雲曰能讀千賦則善為之矣書鈔一百二十二引云君大素曉習萬劍之名凡器但

遙觀而知不須手持熟察言能觀千劍則曉知之此三條與意林相當今難復併矣又子雲為甘泉賦夢五藏出在地甄文類聚等

書曰事相涉每章連引之意林一屬祛蔽一屬道賦今故分錄不索原次云

諺曰侏儒見一節而長短可知孔子言舉一隅足曰三隅反觀吾

小時二賦亦足已揆其能否

御覽四百九十六

余少時為奉車郎孝成帝出祠甘泉河東部先置華陰集靈宮武帝所造門曰望仙殿曰存仙書壁為之賦曰頌二仙之行

北堂書

二案藝文類聚七十八有此賦并序

### 辨惑第十三

五福壽富貴安樂子孫眾多

林意

百足之蟲共舉一身安得不濟

林意

無仙道好奇者為之

通江葉氏本博物志七今本五

曲陽侯王根迎方士西門君惠從其學養生卻老之術君惠曰龜稱三千歲鶴稱千歲曰人之材何乃不及蟲鳥邪余應曰誰當久與龜鶴同居而知其年歲耳

意林御覽七百二十

聖人何不學仙而令死邪聖人皆形解仙去言死者示民有終也

意林文選顏延年五君詠注

天下神人五。一曰神仙。二曰隱淪。三曰使鬼物。四曰先知。五曰鑄

凝。文選江賦注五君詠注謝元暉敬亭山詩注任彦昇謝修下忠貞墓啟注

淮南王之子。嫂當誤安二子太子遷迎道人作金銀云。鈇字金與

公鈇則金之公。而銀者金之昆弟也。御覽人百十二

武帝有所愛幸姬王夫人。窈窕好容。質性嫺倭。夫人死。帝痛惜之。

方士李少君言能致其神魂。乃夜設燭張幄。置夫人神影。令帝居

于他帳中遙望。見好女倡夫人之狀。還帳坐。史記武紀集解北堂書鈔一百三十二文

選潘安人悼亡詩注

元帝被病。廣求方士。漢中送道士。蘇文類聚作逸人御覽七百五十七作道人今依水經注

仲都至。詔問何所能為。對曰。但能忍寒暑耳。乃已隆冬盛寒日。令

袒衣載呂駟馬于上林昆明池上。環冰而馳。御者厚衣狐裘甚寒。

戰而仲都獨無變色。臥于池臺上。嘿然自若。因為待詔。至夏大暑

日。案歲華紀麗二說此使曝坐。又環呂十爐火。口不言熱而身不

汗出

水經注渭水下三輔黃圖五藝文類聚五初學記三御覽二十二又三十四又七百五十七

近哀平閒雖陵

御覽六百四十三作臨淮九百四十四作雖陵

有董仲君好方道嘗犯事

坐重罪繫獄佯病死數日目陷蟲出吏捐棄之既而復活故知幻

術靡所不有又能鼻吹口歌吐舌齟齬眉動目荆州有鼻飲之蠻

南城有飛頭之夷非為幻也

連江葉氏本博物志二今本四法苑珠林七十六御覽六百四十三又七

百三十七又九百四十四

哀帝時有才

當作老

人范蘭言年三百歲初與人相見則喜而相應

和再三則罵而逐人

御覽四百六十六

史子心見署為丞相史官架屋發吏卒及官奴婢目給之作金不

成丞相自己力不足又白傅太后太后不復利于金也聞金成可

已作延年藥又甘心焉乃除之為郎舍之北宮中使者待遇

抱朴子內

篇十六黃白

余嘗與郎冷喜出見一老翁糞上拾食頭面垢醜不可忍視喜曰

安知此非神仙余曰道必形體如此無呂道焉柳覽三百八十二

劉子駿信方士虛言謂神仙可學嘗問言人誠能抑嗜欲闔耳目

可不衰竭乎余見其庭下有大榆樹久老剝折指謂曰彼樹無情

欲可忍無耳目可闔然猶枯槁朽蠹人雖欲愛養何能使不衰正

論引陳思王辨道論藝文類  
散八十八柳覽九百五十六

黃作期門郎程偉好黃白術娶妻得知方家女偉常從駕出而無

時衣甚憂妻曰請致兩端纖縑卽無故而至前偉按枕中鴻寶作

金不成妻乃往視偉偉方扇炭燒簞簞中有水銀妻曰吾欲試相

視一事乃出其囊中藥少少投之食頃發之已成銀偉大驚曰道

近在汝處而不早告我何也妻曰得之須有命者于是偉日夜說

誘之賣田宅已供美食衣服猶不冝告偉偉乃與伴謀撾笞伏之

妻輒知之告偉言道必當傳其人口是而心非者雖寸斷支解而

道猶不出也偉逼之不止妻乃發狂裸而走已泥自塗遂卒抱朴子內

呂仲子婢死有女兒年四歲葬後數來撫循之亦能爲兒沐頭浣濯甚惡之呂告方士云其家青狗爲之殺之則止婢遂不復來楊仲文亦言所知家姬死已斂未葬忽起飲酒食醉後而坐棺前祭牀上如是三四家益厭苦其後醉行壞垣得老狗便打死殺之推問乃里頭沽家狗御覽八百八十五又九百五

述策第十四

或云陳平爲高帝解平城之圍則言其事祕世莫得而聞也此呂工妙踔善故藏隱不傳焉子能權知斯事否吾應之曰此策乃反薄陋拙惡故隱而不泄高帝見圍七日而陳平往說閼氏閼氏言于單于而出之曰是知其所用說之事矣彼陳平必言漢有好麗美女爲道其容貌天下無有今困急已馳使歸迎取欲進與單于單于見此人必大好愛之愛之則閼氏曰呂遠疎不如及其未到

令漢得脫去去亦不持女來矣關氏婦女有妬媚之性必憎惡而刺去之此說簡而要及得其用則欲使神怪故隱匿不泄也劉子駿聞吾言乃立稱善焉

史記陳丞相世家集解漢書高紀注蘇文類聚十八百孔六帖二十一御覽三百八

閔友第十五

諺曰有白頭如新傾蓋如故言內有已相知與否不在新故也

史記

集解

莊尤字伯石

後漢光武紀注

高君孟頗知律令嘗自伏寫書著作郎署哀其老欲代之不月云

我躬自寫乃當十遍讀

北堂書鈔一百一御覽六百十四

揚雄作立書曰爲立者天也道也言聖賢著法作事皆引天道曰爲本統而因附屬萬類王政人事法度故必義氏謂之易老子謂之道孔子謂之元而揚雄謂之立立經三篇曰紀天地人之道立



三體有上中下如禹貢之陳三品三三而九因曰九九八十一故

為八十一卦曰四為數數從一至四重累變易竟八十一而徧不

可損益曰三十五當作六著撰之立經五千餘言而傳十三篇也後漢

張衡傳注通鑑三十注

王公子問揚子雲何人邪答曰揚子雲才智開通能入聖道卓絕

于眾漢與曰來未有此人也國師子駁曰何曰言之答曰才通著

書曰百數惟太史公廣大其餘皆蕞殘小論不能比之子雲所造

法言太玄經也玄經數百年其書必傳已下對大司空王邑納言

世咸尊古卑今貴所聞賤所見也故輕易之老子其心玄遠而與

道合語未竟雖本傳作昔老聃著虛無之言兩篇薄仁義非禮學

然後世好之者向曰為過于五經自漢文景之君及司馬遷

皆有是言今揚子之書文若遇上好事必曰太玄次五經也

義至深而論不詭于聖人

通內篇自序御覽四百三十二又六百二

時農

條木知所屬姑裁于此

通人如子禮元和姓纂漁韻

余同時佐郎官有梁子初楊子林好學所寫萬卷至于白首常有

所不曉百許寄余余觀其事皆略可見御覽六

茂陵周智孫胡不為賦訟酬應之文為大司徒掾見使典定文義

兼領眾事北堂書鈔未改本六十八

### 琴道第十六

昔神農氏繼宓義而王天下上觀法于天下取法于地近取諸身

遠取諸物于是始削桐為琴繩絲為絃已通神明之德合天地之

和焉意林載文類聚四十四又八十八文選月賦注鮑明遠白琴頭吟注御覽五百七十九又八百十四又九百五十六

長此二字意補三尺六寸有六分象碁之數厚寸有八當有分字象三六數

廣六寸道藏本意林作六分今依官本象六律上圓而斂法天下方而平法地上

廣下狹法尊卑之禮意林琴隱長四寸五分隱已前長八分文選七發注

五絃第一絃為宮其次商角徵羽文王武王各加一絃已為少宮

少商通典一百四十四此下尚有說者不同又琴之始作或云伏羲或云神農諸家所說莫能詳定二十一字當是杜佑語不

錄下徵七絃總會樞要文選長笛賦注足曰通萬物而考治亂也文選思

初學記十六御八音之中惟絲最密初學記作而琴為之首初學

覺五百七十九琴之言禁也君子守己自禁也玉篇大聲不震譁而流

漫細聲不湮滅而不聞文選八音廣博琴德最優文選古者

聖賢玩琴曰養心意林夫遭遇異時窮則獨善其身而不失其操故

謂之操意林文選操侶鴻雁之音文選長笛賦注又琴賦達

則兼善天下無不通暢故謂之暢意林文選暢經逸不存意林文選舜

操者昔虞舜聖德玄遠北堂書抄遂升天子喟然念親巍巍上帝

之位不足保援琴作操其聲清已微意林文選禹操者昔夏之時

洪水襄陵沈山禹乃援琴作操其聲清已溢北堂書抄志在深河

未改本微子操微子傷殷之將亡終不可奈何見鴻鵠高飛援琴

作操其聲清已瀉意林文選文王操者文王之時紂無道

爛金爲格，溢酒爲池，宮中相殘，骨肉成泥，璇室瑤臺，藹雲翳風，鐘

聲雷起，疾動天地，文王躬被法度，陰行仁義，援琴作操，故其聲紛

已擾駭，角震商。北堂書鈔四十四伯夷操案此語未竟長笛賦注伯

夷操下有伯鴻雁之音五字乃總箕子操其聲滔已激。意林右

說操字義當在上文非專說伯夷箕子操其聲滔已激一章采各

書引見三十四事依意林次第之佚闕尙多本傳琴道一篇未成

肅宗使班固續成之注引東觀記曰琴道未畢但有發首一章

索文選琴賦注可七略雅囑第十七曰琴道曰竟囑逸又曰達則

兼善天下無不通囑故謂之囑又曰微子操微子傷殷之將亡終

不可奈何見鴻鵠高飛援琴作操足說意

林所載正是發首一章故劉歆採用之也

晉師曠善知音，衛靈公將之晉，宿于濮水之上，夜聞新聲，召師涓

告之曰：爲我聽寫之。曰：臣得之矣。遂之晉。晉平公饗之，酒酣，靈公

曰：有新聲，願奏之。乃令師涓鼓琴，未終，師曠止之曰：此亡國之聲

也。後漢陳元傳注

雍門周曰：琴見孟嘗君，孟嘗君蜀志注不重言孟嘗君蓋轉寫脫

序注曰：先生鼓琴，亦能令文悲乎？對曰：臣之所能令悲者，先貴而

後賤昔

笙賦注作故

富而今貧擯壓窮巷不交四鄰不若身材高妙懷

質抱眞

逢讒羅謗怨結而不得信不若交歡而結愛無怨別賦注

而生離

謝玄暉和王主簿怨情詩注作一

赴絕國無相見期不若幼無父母壯

無妻兒

恨賦注作子

出已野澤爲鄰入用堀穴爲家困于朝夕無所假

貸若此人者

但聞飛鳥李陵答蘇武書注作鳥

之號秋風鳴答蘇武書注作篇條則

傷心矣臣一爲之援

別賦注作揮

琴而太息未有不悽惻而涕泣別賦注

懷憤而

者也今若足下居則廣廈高堂連闔洞

陸士衡日出東南

書說篇

房下羅帷

劉休玄擬古詩注作帳

來清風倡優在前諂諛侍側揚激

楚舞鄭妾流聲

已娛耳練色已淫目水戲

西京賦注七

則舫龍舟

建羽旗鼓吹

蜀志注作鉤依沈約宋書樂志一改

平不測之淵野游則登平原馳廣

囿強弩下高鳥勇士格猛獸置酒娛樂沈醉忘歸方此之時視天

地曾不若一指雖有善鼓琴未能動足下也孟嘗君曰固然雍門

周曰然臣竊爲足下有所常悲夫角帝而困秦者君也連五國而

伐楚者又君也天下未嘗無事不從即衡從成則楚王衡成則秦

帝夫曰秦楚之強而報弱辭蜀志注無營字依魏都賦注加說苑作應之猶磨蕭斧

而魏都賦注作伐朝菌也有識之士莫不為足下寒心酸鼻蜀志注無

酸鼻二字依王重寶銘淵碑文注加說苑作酸鼻者天道不常盛寒暑更進退千秋萬歲之

後宗廟必不血食高臺既已傾曲池又已平墳墓生荆棘狐兔蜀志

注作狸依恨賦注張孟陽七哀詩注任穴其中游兒七哀詩注謝

彥昇為下彬謝修下忠貞墓啟注改穴其中游兒修下忠貞墓

啟注作樵兒豪士牧豎躑躅其足而歌其上行人見之悽愴此六

賦序注作游童牧豎躑躅其足而歌其上行人見之悽愴字依

七哀詩曰孟嘗君之尊貴亦猶若是乎七哀詩注作于是孟嘗君

喟然太息涕淚承睫而未下雍門周引琴而鼓之徐動宮商叩豪

賦序注作揮角羽初初字依豪士賦序注加說苑作切亦初終而

說苑作微揮角羽初之誤說苑異文尚多曰非本文不具載終而

成曲孟嘗君遂歔歔而就之曰先生鼓琴令文立若亡國之人也

三國志蜀

卻正傳注

宣帝元康神爵之間丞相奏能鼓雅琴者渤海趙定梁國龍德召

見溫室拜爲侍郎

北堂書鈔七十一  
御覽二百四十八

黃門工鼓琴者有任真卿處長倩能傳其度數妙曲遺聲

文選司  
馬紹統

贈山陰  
詩注

成少伯工吹竽見安昌侯張子夏鼓琴謂曰音不通千曲已上不

足已爲知音

御覽五百  
八十一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷十五終

全後漢文卷十六

烏程嚴可均校輯

蔡茂

茂字子禮河內懷人哀平閒徵試博士對策高等拜議郎遷侍中莽居攝曰疾自免更始時避亂河西竇融曰爲張掖太守固辭建武十三年與融俱徵復拜議郎再遷廣漢太守代戴涉爲司徒二十三年卒年七十二

上書禁制貴戚

臣聞興化致教必由進善康國盜人莫大理惡陛下聖德重興再隆大命卽位以來四海晏然誠宜夙興夜寐雖休勿休然頃者貴戚椒房之家數因恩執干犯吏禁殺人不死傷人不論臣恐繩墨棄而不用斧斤廢而不舉近湖陽公主奴殺人西市而與主共興出入宮省逋罪積日冤魂不報洛陽令董宣直道不顧干主討姦



陛下不先澄審召欲加箠當宣受怒之初京師側耳及其蒙宥天下拭目今者外戚僑逸賓客放濫宜敕有司案理姦罪使執平之吏永申其用呂厭遠近不緝之情後漢蔡茂傳

申屠剛

剛字巨卿扶風茂陵人丞相嘉七世孫仕郡功曹平帝時舉賢良方正對策罷歸田里王莽篡位避地河西轉入巴蜀二十餘年後依隗囂建武七年徵拜侍御史遷尚書令出爲平陰令復徵拜太中大夫呂病去官

舉賢良方正對策

前漢平帝時

臣聞王事失則神祇怨怒奸邪亂正故陰陽謬錯此天所已譴告王者欲令失道之君曠然覺悟懷邪之臣懼然自刻者也今朝廷不考功校德而虛納毀譽數下詔書張設重法抑斷誹謗禁割論議罪之重者乃至腰斬傷忠臣之情挫直士之銳殆乖建進善之

旌縣敢諫之鼓闢四門之路明四目之義也臣聞成王幼少周公攝政聽言下賢均權布寵無舊無新唯仁是親動順天地舉措不失然近則召公不悅遠則四國流言夫子母之性天道至親今聖主幼小始免緇絳卽位以來至親分離外戚杜隔恩不得通且漢家之制雖任英賢猶援姻戚親疎相錯杜塞閒隙誠所已安宗廟重社稷也今馮衛無罪久廢不錄或處窮僻不若民庶誠非忠愛慈孝承上之意夫爲人後者自有正義至尊至卑其執不嫌是已人無賢愚莫不爲怨姦臣賊子曰之爲便不諱之變誠難其慮今之保傅非古之周公周公至聖猶尙有累何況事失其衷不合天心者哉昔周公先遣伯禽守封于魯曰義割恩寵不加後故配天郊祀三十餘世霍光秉政輔翼少主修善進士名爲忠直而尊尊其宗黨摧抑外戚結貴據權至堅至固終沒之後受禍滅門方今師傅皆曰伊周之位據賢保之任曰此思化則功何不至不思其

愠一作慎

危則禍何不到損益之際孔父攸歎持滿之戒老氏所愠蓋功冠天下者不安威震人主者不全今承衰亂之後繼重敝之世公家屈竭賦斂重數苛吏奪其時貪夫侵其財百姓困乏疾疫天命盜賊羣輩且曰萬數軍行眾止竊號自立攻犯京師燔燒縣邑至乃訛言積弩入宮宿衛驚懼自漢興以來誠未有也國家微弱姦謀不禁六極之效危于累卵王者承天順地典爵主刑不敢曰天官私其宗不敢曰天罰輕其親陛下宜遂聖明之德昭然覺悟遠述帝王之迹近遵孝文之業差五品之屬納至親之序亟遣使者徵中山太后置之別宮令時朝見又召馮衛一族裁與冗職使得執戟親奉宿衛已防未然之符已抑患禍之端上安社稷下全保傅內和親戚外絕邪謀

後漢申屠剛傳

說隗囂

愚聞人所歸者天所與人所畔者天所去也伏念本朝躬聖德舉

義兵襲行天罰所當必摧誠天之所福非人力也將軍本無尺土孤立一隅宜推誠奉順與朝并力上應天心下疇人望爲國立功可曰永年嫌疑之事聖人所絕曰將軍之威重遠在千里動作舉措可不慎歟今璽書數到委國歸信欲與將軍共同吉凶布衣相與尙有沒身不負然諾之信況于萬乘者哉今何畏何利久疑如是卒有非常之變上負忠孝下愧當世夫未至豫言固常爲虛及其已至又無所及是曰忠言至諫希得爲用誠願反覆愚老之言

後漢申屠剛傳剛器據隗右欲背漢而附公孫述剛說之尊不納

將歸與隗囂書

愚聞專已者孤拒諫者塞孤塞之政亡國之風也雖有明聖之姿猶屈已從眾故慮無遺策舉無過事夫聖人不已獨見爲明而已萬物爲心順人者昌逆人者亡此古今之所共也將軍已布衣爲鄉里所推廊廟之計既不豫定動軍發眾又不深料今東方政教

日睦百姓平安而西州發兵人人懷憂騷動惶懼莫敢正言羣眾疑惑人懷顧望非徒無精銳之心其患無所不至夫物窮則變生事急則易計其勢然也夫離道德逆人情而能有國有家者古今未有也將軍素曰忠孝顯聞是曰士大夫不遠千里慕樂德義今苟欲決意徼幸此何如哉夫天所祐者順人所助者信如未蒙祐助令小人受塗地之禍毀壞終身之德敗亂君臣之節污傷父子之恩眾賢破膽可不慎哉

後漢申屠剛傳

蘇竟

竟字伯況扶風平陵人平帝時爲博士講書祭酒莽篡位拜代郡都尉光武卽位就拜代郡太守建武五年入爲侍中曰病免與劉龔書

君執事無恙走昔已摩研編削之才與國師公從事出入校定祕書竊自依依未由自遠蓋聞君子愍同類而傷不遇人無智愚莫

不先避害然後求利。先定志而後求名。昔智果見智伯窮兵必亡。故變名遠逝。陳平知項王爲天所棄。故歸心高祖。皆智之至也。聞君前權時屈節。北面延牙。延岑字伯牙乃後覺悟。棲遲養德。先世數子。又何已加。君處陰中。土多賢士。若已須臾之閒。研考異同。揆之圖書。測之人事。則得失利害。可陳于目。何自負畔亂之困。不移守惡之名乎。與君子之道。何其反也。世之俗儒末學。醒醉不分。而稽論當世。疑誤視聽。或謂天下迭興。未知誰是。稱兵據土。可圖非冀。或曰。聖王未啟。宜觀時變。倚強附大。顧望自守。二者之論。豈其然乎。夫孔丘祕經。爲漢赤制。立包幽室。文隱事明。且火德承堯。雖昧必亮。承積世之祚。握無窮之符。王氏雖乘閒偷簞。而終嬰大戮。支分體解。宗氏屠滅。非其効歟。皇天所已。眷顧踟躕。憂漢子孫者也。論者若不本之于天。參之于聖。假呂師曠雜事。輕自眩惑。說士作書。亂夫大道。焉可信哉。諸儒或曰。今五星失晷。天時謬錯。辰星久而

不効。太白出入過度。熒惑進退見態。填星繞帶天街。歲星不舍氐房。呂爲諸如此占。歸之國家。蓋災不徒設。皆應之分野。各有所主。夫房心卽宋之分。東海是也。尾爲燕分。漁陽是也。東海董憲迷惑。未降。漁陽彭寵逆亂。擁兵。王赫斯怒。命將竝征。故熒惑應此。憲寵受殃。太白辰星。自亡新之末。失行筭度。呂至于今。或守東井。或沒羽林。或襄回藩屏。或躑躅帝宮。或經天反明。或潛藏久沈。或衰微闇昧。或煌煌北南。或盈縮成鉤。或偃蹇不禁。皆大運蕩除之祥。聖帝應符之兆也。賊臣亂子。往往錯互。指麾妄說。傳相壞誤。由此論之。天文安得適度哉。乃者五月甲申。天有白虹。自子加午。廣可十丈。長可萬丈。正臨倚彌。倚彌卽黎丘。秦豐之都也。是時月入于畢。畢爲天網。主網羅無道之君。故武王將代紂。上祭于畢。求助天也。夫仲夏甲申爲八魁。八魁上帝開塞之將也。主退惡攘逆。流星狀似蚩尤旗。或曰營頭。或曰天槍。出奎而西北行。至延牙營上。散爲數

百而滅奎爲毒螫主庫兵此二變郡中及延牙士眾所共見也是故延牙遂之武當託言發兵實避其殃今年比卦部歲坤主立冬坎主冬至水性滅火南方之兵受歲禍也德在中宮刑在木木勝土刑制德今年兵事畢已中國安寧之效也五七之家三十五姓彭秦延氏不得豫焉如何怪惑依而恃之葛纍之詩求福不同其若是乎圖讖之占眾變之驗皆君所明善惡之分去就之決不可不察無忽鄙言夫周公之善康叔呂不從管蔡之亂也景帝之悅濟北呂不從吳濞之畔也自更始呂來孤恩背逆歸義向善臧否粲然可不察歟良醫不能救無命彊梁不能與天爭故天之所壞人不得支宜密與太守劉君共謀降議仲尼棲棲墨子遑遑憂人之甚也屠羊救楚非要爵祿茅焦干秦豈求報利盡忠博愛之誠憤滿不能已耳

後漢蘇竟傳

竇融



融字周公扶風平陵人孝文寶后弟廣國之七世孫莽居攝中  
爲強弩將軍王俊司馬已從平翟義攻封靈武男地皇末太師  
王匡請爲助軍遷波水將軍更始卽位大司馬趙萌已爲校尉  
拜鉅鹿太守未行遷張掖屬國都尉自行河西五郡大將軍事  
建武五年遣使歸誠授涼州牧八年封安豐侯十三年入朝拜  
冀州牧遷大司空二十年免尋加位特進行衛尉事兼將作大  
匠永平二年致仕五年卒年七十八謚曰戴侯

上疏讓爵土

臣融年五十三有子年十五質性頑鈍臣融朝夕教導已經藝不  
得令觀天文見讖記誠欲令恭肅畏事恂恂循道不願其有才能  
何況乃當傳已連城廣土享故諸侯王國哉

後漢書融傳又載文  
類聚五十一引東觀

漢記又袁宏  
後漢紀六

復遣長史劉鈞上書歸誠

臣融竊伏自惟幸得託先后末屬蒙恩爲外戚累世二千石至臣之身復備列位假歷將帥守持一隅已委質則易爲辭已納忠則易爲力書不足已深達至誠故遣劉鈞口陳肝膽自已底裏上露長無纖介而璽書盛稱蜀漢二主三分鼎足之權任翳尉佗之謀竊自痛傷臣融雖無識猶知利害之際順逆之分豈可背眞舊之主事姦僞之人廢忠貞之節爲傾覆之事棄已成之基求無冀之利此三者雖問狂夫猶知去就而臣獨何已用心謹遣同產弟友詣闕口陳區區

後漢竇融傳

上書請隗囂

隗囂聞車駕當西臣融東下士眾騷動計且不戰囂將高峻之屬皆欲逢迎大軍後聞兵罷峻等復疑囂揚言東方有變西州豪傑遂復附從囂又引公孫述將令守突門臣融孤弱介在其閒雖承威靈宜速救助國家當其前臣融促其後緩急迭用首尾相資囂

勢排進不得進退此必破也若兵不早進久生持疑則外長寇讐  
內示困弱復令讒邪得有因緣臣竊憂之惟陛下哀憐後漢竇融傳

封皇子議

大司空融固始侯通膠東侯復高密侯禹太常登等奏議曰古者  
封建諸侯曰藩屏京師周封八百同姓諸姬並為建國夾輔王室  
尊事天子享國永長為後世法故詩云大啟爾宇為周室輔高祖  
聖德光有天下亦務親親封立兄弟諸子不違舊章陛下德橫天  
地興復宗統褒德賞勳親睦九族功臣宗室咸蒙封爵多受廣地  
或連屬縣今皇子賴天能勝衣趨拜陛下恭謙克讓抑而未議羣  
臣百姓莫不失望宜因盛夏吉時定號位曰廣藩輔明親親尊宗  
廟重社稷應古合舊朕塞眾心臣請大司空上輿地圖太常擇吉  
日具禮儀後漢光武紀建武十五年三月大司空融等奏議制曰可

與隗囂書

伏惟將軍國富政修，士兵懷附。親遇巨會之際，國家不利之時，守

節不回，承事本朝，後遣伯春委身于國。袁宏紀：此下有二句云：忠

無疑之誠，于斯有效。融等所已欣服高義，願從役于將軍者，良爲

此也。而忿悁之閒，改節易圖。君臣分爭，上下接兵，委成功，造難就，

去從議爲橫謀，百年累之，一朝毀之，豈不惜乎？殆執事者貪功建

謀，已至于此。融竊痛之。當今西州地勢局迫，人兵離散，易已輔人，

難已自建。計若失路不反，聞道猶迷，不南合子陽，則北入文伯耳。

夫負虛交而易強禦，恃遠救而輕近敵，未見其利也。融聞智者不

危眾，已舉事，仁者不違義，已要功。今已小敵大，于眾何如？棄子微

功于義何如？且初事本朝，稽首北面，忠臣節也。及遣伯春，垂涕相

送，慈父恩也。俄而背之，謂吏士何？忍而棄之，謂畱子何？自起兵，已

來轉相攻擊，城郭皆爲丘墟，生民轉于溝壑。今其存者，非鋒刃之

餘，則流亡之孤。迄今傷痍之恥未愈，哭泣之聲尙聞。幸賴天運少

還而大將軍復重于難。是使積痼不得遂瘳。幼孤將復流離。其爲悲痛尤足愍傷。言之可爲酸鼻。庸人且猶不忍。況仁者乎。融聞爲忠甚易得。宜竇難憂。人大過。已德取怨。知且已言獲罪也。區區所獻。惟將軍省焉。後漢竇融傳

竇憲

憲字伯度。融曾孫。建初中。已皇后兄拜爲郎。遷侍中。虎賁中郎將。和帝卽位。拜車騎將軍。已征北匈奴功。進大將軍。永元四年。封冠軍侯。遣就國。迫令自殺。

上皇太后疏請已桓郁劉方入侍講

禮記云。天下之命懸于天子。天子之善成乎所習。習與智長。則切而不勤。化與心成。則中道若性。昔成王幼小。越在縱保。周公在前。史佚在後。太公在左。召公在右。中立聽朝。四聖維之。是已慮無遺計。舉無過事。孝昭皇帝八歲卽位。大臣輔政。亦選名儒。韋賢蔡義

夏侯勝等入授于前平成聖德近建初元年張酺魏應召訓亦講禁中臣伏惟皇帝陛下躬天然之姿宜漸教學而獨對左右小臣未聞典義昔五更桓榮親爲帝師子郁結髮敦尚繼傳父業故再已校尉入授先帝父子給事禁省更歷四世今白首好禮經行篤備又宗正劉方宗室之表善爲詩經先帝所褒宜令郁方竝入教授已宗本朝光示大化後漢桓郁傳又見袁宏後漢紀十二作伏惟皇帝躬天然之資不肅而成然已至尊之德獨對小臣非所已掄揚聖心增益輝光者竊見屯騎校尉桓郁結髮受學白首不倦經爲人師行爲儒宗昔侍帷幄入授先帝父子奕世竝爲帝師恩已爲可長樂少府入授帝經

### 賈章

章字伯向融立孫避羌亂家于外黃安帝時入東觀爲校書郎遷長水校尉順帝初擢羽林郎將遷屯騎都尉永和中西遷少府漢安末轉大鴻臚有集二卷

### 移書勸葛龔

過矯仲彥論昇仙之道從蘇博文談超世之高適馬季常講墳典之妙所謂喬松可與馳騫何細疾之足患邪

汝南先賢傳案矯字仲彥蘇章字博

寶武

武字游平融立孫延熹末拜郎中呂長女立爲皇后遷越騎校尉封槐里侯尋爲城門校尉靈帝立拜大將軍封聞喜侯與太傅陳蕃等謀誅中官事敗自殺

上表諫宦官封侯

陛下卽位以來梁孫鄧臺貴戚專勢侵逼公卿略驅吏民惡熟罪深或誅滅相續呂常侍黃門竊弄王命欺罔競行謗譏爭入如忠臣李固杜喬在朝必竭忠奉之節覺其姦萌因造妖言陷之禍門陛下不察加呂大戮冤感皇天痛入后土賢愚悲悼小大傷摧固等旣沒宦黨受封快兇惡之心張豺狼之口天下咸言直如絃死

道遶曲如鉤封公侯謠言之作正爲于此陛下違漢舊典謂必可行自造制度妄爵非人今朝廷日衰姦臣專政臣恐有胡亥之難在于不久趙高之變不朝則夕臣實懷愚不憚瞽言使身死名著碎體糞土薦肉狐鼠猶生之年雖尊官厚祿不巳易之也謹冒死陳得失之要凡七十餘條伏惟陛下深思臣言束骸候誅

十二延  
熹九年

上表

今冬大寒過節毒害鳥獸爰及池魚城傍松竹皆爲傷絕

初學記  
三引謝

承後  
漢書

諫黨事疏

臣聞明主不諱譏刺之言曰探幽暗之實忠臣不恤諫爭之患曰  
賜萬端之事是曰君臣並熙名奮百世臣幸得遭盛明之世逢文  
武之化豈敢懷祿逃罪不竭其誠陛下初從藩國爰登聖祚天下



逸豫謂當中興自卽位以來未聞善政梁孫寇鄧雖或誅滅而嘗侍黃門續爲禍虐欺罔陛下競行譎詐自造制度妄爵非人朝政日衰茲臣日彊伏尋西京放恣王氏佞臣執政終喪天下今不慮前事之失復循覆車之軌臣恐二世之難必將復及趙高之變不朝則久近者奸臣牢脩造設黨議遂收前司隸校尉李膺太僕杜密御史中丞陳翔太尉掾范滂等逮考連及數百人曠年拘錄事無效驗臣惟膺等建忠抗節志經王室此誠陛下稷卨伊呂之佐而虛爲茲臣賊子之所誣枉天下寒心海內失望惟陛下留神澄省時見理出已厭人鬼喁喁之心臣聞古之明君必須賢佐已成政道今臺閣近臣尚書令陳蕃僕射胡廣尚書朱寓荀緄劉祐魏朗劉矩尹勳等皆國之貞士朝之良佐尚書郎張陵矯皓苑康楊喬邊韶戴恢等文質彬彬明達國典內外之職羣才竝列而陛下委任近習專樹讐讐外典州郡內幹心聲宜已次貶黜案罪糾罰

抑奪宦官欺國之封案其無狀誣罔之罪信任忠良平決臧否使邪正毀譽各得其所竇愛天官唯善是授如此咎徵可消天應可待間者有嘉禾芝草黃龍之見夫瑞生必于嘉土福至實由善人在德爲瑞無德爲災陛下所行不合天意不宜稱慶後漢書武傳

上疏

奉詔命精爽隕越

文選劉琨勸進表注

屯都亭下令軍士

黃門常侍反逆無道何盡隨之反乎先降有重賞

袁宏後漢紀二

武傳作黃門常侍反盡力者封侯重賞

賜進士出身二品銜廣東等處提刑按察使司按察使兼管驛傳事務黃岡王毓漢校刊

全後漢文卷十六終